



ЭРҮҮЛ МЭНДИЙН ЯАМ
СЭТГЭЦИЙН ЭРҮҮЛ МЭНДИЙН ҮНДЭСНИЙ
ТӨВИЙН ЕРӨНХИЙ ЗАХИРЛЫН
ТУШААЛ

2025 оны 06 сарын 24 өдөр

Дугаар А/204

Улаанбаатар хот

Төлбөртэй тусламж, үйлчилгээ
үзүүлэх тухай

Монгол улсын Эрүүл мэндийн тухай хуулийн 24 дүгээр зүйлийн 24.1, "Сэтгэцийн эрүүл мэндийн тухай" хуулийн 8 дугаар зүйлийн 8.1., 8.2, "Төсвийн тухай" хууль, Сангийн сайд, эрүүл мэндийн сайдын хамтарсан 2022 оны 02 дугаар сарын 28-ны өдрийн 49/A/118 дугаар хамтарсан, Эрүүл мэндийн сайдын 2022 оны 04 дүгээр сарын 12-ны өдрийн А/216 дугаар, Авлигатай тэмцэх газрын 2023 оны 11 дүгээр сарын 27-ны өдрийн 02/19217 дугаар, Эрүүл мэндийн сайдын 2023 оны 12 дугаар сарын 06-ны өдрийн 7/5556 дугаартай албан бичгийг тус тус үндэслэн ТУШААХ нь:

1. "Төлбөртэй тусламж, үйлчилгээний журам"-ыг нэгдүгээр "Иргэнд үзүүлэх төлбөртэй тусламж, үйлчилгээний жагсаалт"-ыг хоёрдугаар, "Төлбөртэй тусламж, үйлчилгээ болон нэмэлт үйлчилгээ үзүүлж олсон орлогыг зарцуулах журам"-ыг гуравдугаар, "Иргэнд үзүүлэх нэмэлт үйлчилгээний төлбөрийн хэмжээ"-г дөрөвдүгээр хавсралтаар тус тус баталсугай.

2. Төлбөртэй тусламж, үйлчилгээ үзүүлэх тухай журамд заасан үйлчлүүлэгчдэд эмчилгээ, үйлчилгээг чанартай хийж, эмч, эмнэлгийн мэргэжилтний ёс зүйн хэм хэмжээний дагуу харилцаж, үйлчлүүлэгч болон тэдний ар гэрийнхэнд сэтгэл ханамж үүсгэн ажиллахыг клиник, тасгийн эрхлэгч болон нийт эмнэлгийн ажилтнуудад даалгасугай.

3. Төлбөртэй тусламж, үйлчилгээний үйл ажиллагааг санхүүгийн хууль дүрмийн дагуу явуулж, хяналт тавин удирдан ажиллахыг Үйл ажиллагаа хариуцсан дэд захирал (Д.Азбаяр), Санхүү, бүртгэлийн албаны дарга (Н.Буянхишиг) нарт тус тус үүрэг болгосугай.


4. Уг тушаалын хэрэгжилтэд байнгын хяналт тавьж, эмчилгээ, үйлчилгээний чанарт анхаарч, зохицуулалт хийж ажиллахыг Эмнэлзүй хариуцсан дэд захирал (Н.Оюунчимэг), Сувилахуй хариуцсан дэд захирал (О.Оюунтөгс), Эрүүл мэндийн тусламж үйлчилгээний чанар, аюулгүй байдлын албаны дарга (Д.Одончимэг), Амбулаторийн эрхлэгч (Т.Ганцэцэг) нарт тус тус үүрэг болгосугай.

5. Уг тушаалыг батлагдан гарсантай холбогдуулан Захирлын 2023 оны 01 дүгээр сарын 20-ны өдрийн А/14 тоот тушаалыг хүчингүй болсонд тооцсугай.

ЗАХИРЛЫН АЛБАН ҮҮРГИЙН
ТҮР ОРЛОН ГҮЙЦЭТГЭГЧ

Г.АНХБОЛД

СЭМҮТ-ийн Захирлын албан үүргийг түр орлон
гүйцэтгэгчийн 2025 оны 06-р сарын 24-н өдрийн
А/204 дугаар тушаалын нэгдүгээр хавсралт



ТӨЛБӨРТЭЙ ТУСЛАМЖ, ҮЙЛЧИЛГЭЭНИЙ ЖУРАМ

Нэг. Нийтлэг үндэслэл

- 1.1 Энэхүү журам нь Сэтгэцийн эрүүл мэндийн үндэсний төв /цаашид СЭМҮТ гэх/-өөс Эрүүл мэндийн даатгалын тухай хуулийн 9 дүгээр зүйлд заасан эрүүл мэндийн даатгалын сангаас зардлын төлбөрийг нь хариуцах эрүүл мэндийн тусламж, үйлчилгээний багцад ороогүй тусламж, үйлчилгээ болон Эрүүл мэндийн тухай хуулийн 24 дүгээр зүйлийн 24.6 дахь хэсэгт заасан төрөөс хариуцах тусламж, үйлчилгээний жагсаалтад ороогүй, төлбөртэй тусламж, үйлчилгээг үзүүлэхтэй холбоотой харилцааг зохицуулна.
- 1.2 Энэхүү журмын зорилго нь иргэн бүр шаардлагатай эрүүл мэндийн чанартай тусламж, үйлчилгээг санхүүгийн бэрхшээлгүйгээр авах, эрүүл мэндийн салбарын нийт зардалд иргэний шууд төлөх төлбөрийн эзлэх хэмжээг бууруулах, иргэн эрүүл мэндийн тусламж, үйлчилгээ авахдаа шууд төлж буй төлбөрөөс үүдэлтэй санхүүгийн эрсдэлд орохоос сэргийлэхэд оршино.
- 1.3 Эрүүл мэндийн тухай хуулийн 24 дүгээр зүйлийн 24.4 дэх хэсэгт заасан эмнэлгийн яаралтай, халдварт өвчний оношилгоо, эмчилгээнд үзүүлэх зарим тусламж, үйлчилгээг эрүүл мэндийн даатгалтай эсэхээс үл хамаарч үзүүлэх бөгөөд энэхүү журамд хамаарахгүй.
- 1.4 Эрүүл мэндийн даатгалын тухай хуулийн 9 дүгээр зүйлийн 9.1 дэх хэсэгт заасан эрүүл мэндийн тусламж, үйлчилгээний багцад орсон тусламж, үйлчилгээг эрүүл мэндийн даатгалгүй иргэнд үзүүлэх тохиолдолд эрүүл мэндийн даатгалд даатгуулахыг санал болгож, хэрэв татгалзсан тохиолдолд Эрүүл мэндийн даатгалын тухай хуулийн 11 дүгээр зүйлийн 11.2 дахь хэсэгт заасны дагуу баталсан төлбөрийн хэмжээг баримтлан төлбөр авч тусламж, үйлчилгээг үзүүлнэ.
- 1.5 СЭМҮТ-ийн үйл ажиллагааг дэмжих, хангах, туслах үйлчилгээ үзүүлдэг бүтээгдэхүүн үйлчилгээг энэхүү тушаалын хавсралтаар зохицуулна.

Хоёр. Тусламж, үйлчилгээний зохицуулалт

- 2.1 СЭМҮТ төлбөртэй тусламж, үйлчилгээг үзүүлэхэд байгууллагын үндсэн үйл ажиллагааг алдагдуулахгүй, мөн үйлчлүүлэгчдэд хүндрэл үүсгэхгүйгээр зохицуулах арга хэмжээг авна.
- 2.2 СЭМҮТ лабораторийн тусламж, үйлчилгээний чанарын гадаад хяналтыг үндэсний лавлагаа лабораториор хийлгэх бөгөөд үйлчилгээний төлбөрийг Сангийн яамны сайд, Эрүүл мэндийн сайдын хамтран баталсан төрийн өмчийн эрүүл мэндийн байгууллагаас үзүүлэх төлбөртэй тусламж, үйлчилгээний төлбөрийн жишиг хэмжээг баримтлан байгууллага хоорондын гэрээгээр зохицуулна.
- 2.3 СЭМҮТ нь Эмнэлгийн тусламж, үйлчилгээний тухай хуулийн 18, 19 дүгээр зүйлд заасан төрийн өмчийн эрүүл мэндийн байгууллагын үзүүлэх тусламж, үйлчилгээний жагсаалтад ороогүй үйлчилгээг үйлчлүүлэгчийн хүсэлтээр Сангийн яамны сайд, Эрүүл мэндийн сайдын хамтран баталсан төрийн өмчийн эрүүл

мэндийн байгууллагаас үзүүлэх төлбөртэй тусламж, үйлчилгээний төлбөрийн жишиг хэмжээг баримтлан нэмэлтээр үзүүлж болох бөгөөд нэмэлт үйлчилгээний төлбөрийг үйлчлүүлэгч өөрөө хариуцна.

- 2.4 СЭМҮТ нь эмнэлгийн нийт батлагдсан орны 15 хувиас хэтрэхгүйгээр иргэний хүсэлтийн дагуу тав тух хангасан төлбөртэй өрөөг ажиллуулж болох бөгөөд тасгуудад жигд хуваарилж, үйлчлүүлэгчид сонголтыг бий болгож, зохицуулалтыг хийнэ.
- 2.5 СЭМҮТ нь төлбөртэй тусламж, үйлчилгээ үзүүлж олсон орлого нь байгууллагын жилийн нийт төсвийн 5 хувиас ихгүй байна. Энэхүү төлбөртэй тусламж, үйлчилгээний орлогод хамтын төлбөрийн орлого хамаарахгүй болно.
- 2.6 Монгол Улсын хууль, Олон улсын гэрээнд тусгайлан заагаагүй тохиолдолд СЭМҮТ нь эрүүл мэндийн даатгалын шимтгэл төлөөгүй гадаадын иргэнээс энэхүү журмын 1.4-т заасныг баримтлан сэтгэцийн эрүүл мэндийн тусламж, үйлчилгээ авахдаа тухайн тусламж үйлчилгээний нийт төлбөрийн хэмжээний 80 хувьтай тэнцэх, хэрэв даатгалгүй бол 100 хувь төлбөр авч тусламж, үйлчилгээг үзүүлнэ.
- 2.7 Төлбөртэй тусламж, үйлчилгээ авч байсан иргэн өөрийн хүсэлтээр төлбөртэй тусламж, үйлчилгээг зогсоох санал гаргасан тохиолдолд холбогдох зөвшөөрлийн хуудсыг бөглүүлж, тухайн тусламж, үйлчилгээг зогсоох хүртэл үзүүлсэн тусламж, үйлчилгээний төлбөрийг урьдчилан төлсөн төлбөрөөс хасагдуулж тооцон ямар нэгэн шимтгэл, хураамжгүйгээр төлбөр тооцоог хийж баримтжуулна. Урьдчилан төлөөгүй тохиолдолд иргэнээс бодит гарсан зардлаар төлбөрийг авна.
- 2.8 СЭМҮТ-өөс үзүүлж буй хэвтүүлэн эмчлэх тусламж, үйлчилгээний зардалд тухайн эмнэлэгт хэвтэн эмчлүүлэх үед хийгдсэн үндсэн оношилгоо, шинжилгээ, эм, эмнэлгийн хэрэгсэл, материал, бариа засал, нөхөн сэргээх эмчилгээ, сувилахуйн тусламж, үйлчилгээ багтах бөгөөд энэхүү зардлыг Эрүүл мэндийн даатгалын сангаас болон иргэнээс давхардуулан авахгүй. Даатгуулагчийн хариуцан төлөх хамтын төлбөрийн хэмжээг Эрүүл мэндийн даатгалын үндэсний зөвлөлийн тогтоолын дагуу шийдвэрлэнэ.
- 2.9 СЭМҮТ энэхүү тушаалын хавсралтуудад заагдсан тусламж, үйлчилгээнээс бусад үйлчилгээнээс төлбөр авахыг хориглоно. Үүнд: ажлын бус цагаар үзүүлсэн тусламж, үйлчилгээ, шинжилгээний хариу өгөх, бие засах газар, нөмрөг, улавч, хувцас өлгөх, г.м нийтлэг үйлчилгээ хамаарна. Үйлчлүүлэгчийн автомашины зогсоол ашиглалтын төлбөрийг тухайн эрүүл мэндийн байгууллагад тусламж, үйлчилгээ авсан тохиолдолд авахгүй.
- 2.10 Төлбөртэй өрөөнд хэвтэн эмчлүүлснээр үйлчлүүлэгч бусад ижил төрлийн тусламж, үйлчилгээ авч буй үйлчлүүлэгчээс илүү эмчилгээ, оношилгоо, шинжилгээ, асаргаа, сувилгаа авах, хөнгөлөлт эдлэх үндэслэл болохгүй.
- 2.11 СЭМҮТ энэхүү журмын хавсралтад заагдсан тусламж, үйлчилгээний нэр төрөл, цар хүрээг өргөтгөх замаар үндсэн болон туслах үйл ажиллагааны орлого нэмэгдүүлэх эх үүсвэр болгохгүй байх.

Гурав. Төлбөртэй тусламж, үйлчилгээний талаарх мэдээллийн ил тод байдал

- 3.1 СЭМҮТ нь үйлчлүүлэгчийг төлбөртэй тусламж, үйлчилгээнээс хөнгөлөх нөхцөл болон санхүүгийн дэмжлэг, туслалцаа авах бусад боломжийн талаар ил тод мэдээллээр хангаж, үйлчлүүлэгчийг албан бус төлбөр төлөхөөс урьдчилан сэргийлэх арга хэмжээг зохион байгуулна.
- 3.2 СЭМҮТ нь төлбөртэй тусламж, үйлчилгээтэй холбоотой дараах мэдээллийг мэдээллийн самбар, үйлчлүүлэгчийн хүлээлгийн танхим болон төлбөр хураах нэг цэгийн дэргэд иргэнд харагдахуйц, ойлгомжтой байдлаар байршуулах ба байгууллагын цахим хуудсанд байрлуулна. Үүнд:
- 3.2.1 Санхүү, төсвийн болон эрүүл мэндийн асуудал эрхэлсэн Засгийн газрын гишүүдийн хамтран баталсан төрийн өмчийн эрүүл мэндийн байгууллагаас үзүүлэх төлбөртэй тусламж, үйлчилгээний төлбөрийн жишиг хэмжээ;
- 3.2.2 Эрүүл мэндийн даатгалын үндэсний зөвлөлөөс баталсан Эрүүл мэндийн даатгалын сангаас санхүүжүүлэх тусламж, үйлчилгээний жагсаалт, эрүүл мэндийн даатгалын сангаас төлөх болон даатгуулагчийн төлөх хамтын төлбөрийн хэмжээ;
- 3.2.3 Эрүүл мэндийн даатгалын сангаас санхүүжүүлэх зарим өндөр өртөгтэй оношилгоо, шинжилгээний жагсаалт, эрүүл мэндийн даатгалын сангаас төлөх болон даатгуулагчийн төлөх хамтын төлбөрийн хэмжээ
- 3.3 Иргэнээс энэхүү тушаалын хавсралтад заасан төлбөртэй тусламж, үйлчилгээний төлбөрийг авахдаа улсын төсвөөс болон эрүүл мэндийн даатгалын сангаас тухайн тусламж, үйлчилгээний төлбөрийг санхүүжүүлэхгүй байгаа шалтгааныг тайлбарлаж, иргэн зөвшөөрсний үндсэн дээр төлбөр авна.
- 3.4 СЭМҮТ нь иргэнд төлбөр төлсөн баримтыг (и-баримт) заавал олгох бөгөөд уг баримтад эрүүл мэндийн байгууллагын нэр, үйлчлүүлэгчид үзүүлсэн тусламж, үйлчилгээний нэр, төрөл, холбогдох төлбөрийн хэмжээ болон нийт төлбөрийн хэмжээ, огноог дор дурдсанаар ялгасан байна. Үүнд:
- Эрүүл мэндийн даатгалын сангаас хариуцсан тусламж, үйлчилгээний төлбөрийн хэмжээ, нэр төрөл бүрээр
 - Иргэний хариуцан төлөх тусламж, үйлчилгээний хамтын төлбөрийн хэмжээ
 - Төлбөртэй тусламж, үйлчилгээ болон нэмэлт үйлчилгээний төлбөрийн хэмжээ, нэр төрөл бүрээр.

Дөрөв. Бусад

- 4.1 Үйлчлүүлэгч СЭМҮТ-ийн төлбөртэй тусламж, үйлчилгээтэй холбоотой асуудлаар тухайн СЭМҮТ-ийн удирдлага, аймаг, нийслэлийн эрүүл мэндийн газар, Эрүүл мэндийн яам болон бусад холбогдох байгууллагуудад гомдол гаргах эрхтэй.
- 4.2 СЭМҮТ энэхүү тушаалын хавсралтаар батлагдсан төлбөртэй тусламж, үйлчилгээний жагсаалтад ороогүй тусламж, үйлчилгээнээс төлбөр авсан нь иргэний гомдлын мөрөөр, хөндлөнгийн хяналтын байгууллагын хяналт шалгалтаар нотолсон тохиолдолд СЭМҮТ иргэний төлбөрийг буцаан олгож, хохирлыг барагдуулж, холбогдох албан тушаалтанд хариуцлага тооцно.
- 4.3 Энэхүү тушаалын хавсралтаар баталсан төлбөртэй тусламж, үйлчилгээний жагсаалтад ороогүй тусламж, үйлчилгээг СЭМҮТ-ийн захирал, захирлын тушаалаар батлахгүй бөгөөд зайлшгүй шаардлагаар шинэ технологи, хөрөнгө

оруулалтаар хийгдсэн тусламж, үйлчилгээ нэмэгдэх бол Эрүүл мэндийн яаманд холбогдох мэдээллийг албан бичгээр ирүүлж, жагсаалтад нэмэлт өөрчлөлт оруулж болно.

4.4 Эдийн засгийн үндсэн үзүүлэлт өөрчлөгдсөнөөс шалтгаалан эм, эмнэлгийн хэрэгслийн үнэ, цалин, хөлс, урамшуулал, байр ашиглалттай холбоотой тогтмол зардлын нөлөөллийг тооцож Сангийн сайд, Эрүүл мэндийн сайдын хамтарсан тушаалаар батлагдсан эрүүл мэндийн байгууллагаас үзүүлэх төлбөртэй тусламж, үйлчилгээний төлбөрийн хэмжээг тухай бүр шинэчилж мөрдөнө.

4.5 СЭМҮТ-д ажиллаж байгаа эмч, эмнэлгийн мэргэжилтэн, ажилтнуудын өөрийн нөхөр, эхнэр, үр хүүхэд, эцэг, эх, төрсөн ах, эгч, дүү, хадам эцэг, эх мөн түүнчлэн өндөр насны тэтгэвэрт гарсан ахмадуудын нотлох баримт бичгийг үндэслэн төлбөрийн 50 хувиар хөнгөлөлт үзүүлнэ.

4.5.1 Дээрх хөнгөлөлтийг СЭМҮТ-ийн үндсэн ажилтан жилд 2 удаа, ажиллаж байгаад өндөр насны тэтгэвэрт гарсан ахмадууд 1 удаа эдэлнэ.

4.5.2 Төлбөрийг хөнгөлөх зөвшөөрлийг Эмчилгээ эрхэлсэн дэд захирал олгох бөгөөд Эмчилгээ эрхэлсэн дэд захирлыг албан ёсоор амарсан, урт хугацааны чөлөөтэй байгаа үед орлож буй албан тушаалтан зөвшөөрлийг олгож, Стрессийн шалтгаант сэтгэцийн эмгэг судлал, Донтох эмгэг судлалын клиник, Яаралтай тусламжийн тасгийн хүлээн авах тасагт хэвтүүлэн эмчлэх, лабораторийн шинжилгээ хийх зэрэг асуудлыг шийднэ.

4.5.3 Хөнгөлөлт эдлэхэд дараах бичиг баримтыг үндэслэнэ.

- Эхнэр, нөхөр – төрийн албан хаагчийн анкет дахь бүртгэл, гэрлэлтийн баталгаа
- Үр хүүхэд – төрийн албан хаагчийн анкет дахь бүртгэл, иргэний үнэмлэх /төрсний гэрчилгээ/
- Төрсөн ах, эгч, дүү – төрийн албан хаагчийн анкет дахь бүртгэл, ах, эгч, дүүгийн иргэний үнэмлэх
- Төрсөн эцэг, эх – төрийн албан хаагчийн анкет дахь бүртгэл, эцэг, эхийн иргэний үнэмлэх
- Хадам эцэг, эх – төрийн албан хаагчийн анкет дахь бүртгэл, гэрлэлтийн баталгаа, хадам эцэг, эхийн иргэний үнэмлэх

4.5.4 Сэтгэцийн эрүүл мэндийн албыг хөгжүүлэхэд үнэтэй хувь нэмэр оруулсан, хөрөнгө оруулалт хийсэн, харилцан хамтын ажиллагаатай Төрийн болон Төрийн бус байгууллагын зарим хүмүүст тавь болон зуун хувь хөнгөлөлттэй тусламж, үйлчилгээ үзүүлэхийг Эмчилгээ эрхэлсэн дэд захирал, Ерөнхий захирлын зөвшөөрлөөр шийдвэрлэнэ.

СЭМҮТ-ийн Захирлын албан үүргийг түр орлон
гүйцэтгэгчийн 2025 оны 06-р сарын 24-н өдрийн
А/204 дугаар тушаалын хоёрдугаар хавсралт

ИРГЭНД ҮЗҮҮЛЭХ ТӨЛБӨРТЭЙ ТУСЛАМЖ, ҮЙЛЧИЛГЭЭНИЙ ЖАГСААЛТ

№	Тусламж, үйлчилгээний төрөл	Тусламж, үйлчилгээний ерөнхий жагсаалт	Тусламж, үйлчилгээний нэр, төрөл	Код	Төлбөрийн жишиг хэмжээ
1	Лабораторийн шинжилгээ	Эмнэлзүйн шинжилгээ	Шээсэнд мансууруулах, сэтгэц нөлөөт эмийн бодис илрүүлэх шинжилгээ (AMP, BAR, BZO, MYV, COC, MOR, OPI, PCP, METAMP, METH)	10113021	30,000₮
2	Оношилгооны ажилбар, хэмжилт, сорил, шинжилгээ	Сэтгэлзүйн оношилгоо, сорил	Сэтгэлзүйн оношилгоо, сорил (Бүх төрлийн насанд хүрэгчдийн болон хүүхдийн сорилууд)	10221001	30,000₮
3	Оношилгооны ажилбар, хэмжилт, сорил, шинжилгээ	Сэтгэлзүйн оношилгоо, сорил	Хүүхдийн аутизмын оношилгоо	10221002	120,000₮
4	Сэтгэц зан үйлийн эмгэгийн тусламж, үйлчилгээ	Сэтгэл заслын тусламж, үйлчилгээ	Бүх төрлийн сэтгэл засал (ганцаарчилсан, гэр бүлийн хосын, өөрийгөө удирдах дасгал)	10801001	50,000₮
5	Эрүүл мэндэд нөлөөлөх хүчин зүйлстэй холбоотой тусламж, үйлчилгээ	Урьдчилан сэргийлэх, эрт илрүүлэх, эрүүл мэндийн дүгнэлт гаргах үзлэг, оношилгоо	Аж ахуйн нэгж, байгууллагын захиалгаар зохион байгуулсан багцын урьдчилан сэргийлэх үзлэг, эрт илрүүлэх үзлэг, оношилгоо, шинжилгээ, эрүүл мэндийн тусламж, үйлчилгээ	11101001	Гэрээний үнийн дүнгээр
6	Эрүүл мэндэд нөлөөлөх хүчин зүйлстэй холбоотой тусламж, үйлчилгээ	Урьдчилан сэргийлэх, эрт илрүүлэх, эрүүл мэндийн дүгнэлт гаргах үзлэг, оношилгоо	Буу галт зэвсэг эзэмших сэтгэцийн эрүүл мэндийн дүгнэлт гаргах	11101002	20,000₮
7	Эрүүл мэндэд нөлөөлөх хүчин зүйлстэй холбоотой тусламж, үйлчилгээ	Урьдчилан сэргийлэх, эрт илрүүлэх, эрүүл мэндийн дүгнэлт гаргах үзлэг, оношилгоо	Гадаад улсад явах зорилгоор урьдчилан сэргийлэх үзлэг, оношилгоо шинжилгээнд хамрагдах (сэтгэцийн үзлэг)	11101003	30,000₮
8	Эрүүл мэндэд нөлөөлөх хүчин зүйлстэй холбоотой тусламж, үйлчилгээ	Урьдчилан сэргийлэх, эрт илрүүлэх, эрүүл мэндийн дүгнэлт гаргах үзлэг, оношилгоо	Гэр бүл болох, ажил сургуульд орох зорилгоор урьдчилан сэргийлэх үзлэг, оношилгоо шинжилгээнд хамрагдах (сэтгэцийн үзлэг)	11101004	20,000₮
9	Эрүүл мэндэд нөлөөлөх хүчин зүйлстэй холбоотой тусламж, үйлчилгээ	Урьдчилан сэргийлэх, эрт илрүүлэх, эрүүл мэндийн дүгнэлт гаргах үзлэг, оношилгоо	Жолооны үнэмлэх авах зорилгоор урьдчилан сэргийлэх үзлэг, оношилгоо шинжилгээнд хамрагдах (сэтгэцийн үзлэг)	11101005	20,000₮
10	Бусад тусламж, үйлчилгээ	ЭМД-ын багцад хамрагдаагүй бусад тусламж, үйлчилгээ	Сэтгэцийн шинжилгээний дүгнэлт гаргах	19901001	Анх удаа – 30,000₮ Давтан – 50,000₮

СЭМҮТ-ийн Захирлын албан үүргийг түр орлон
гүйцэтгэгчийн 2025 оны 06-р сарын 22-н өдрийн
9/204 дугаар тушаалын гуравдугаар хавсралт

ТӨЛБӨРТЭЙ ТУСЛАМЖ, ҮЙЛЧИЛГЭЭ БОЛОН НЭМЭЛТ ҮЙЛЧИЛГЭЭ ҮЗҮҮЛЖ ОЛСОН ОРЛОГЫГ ЗАРЦУУЛАХ ЖУРАМ

Нэг. Нийтлэг үндэслэл

- 1.1 Энэхүү журам нь Сэтгэцийн эрүүл мэндийн үндэсний төв /цаашид эрүүл мэндийн байгууллага гэх/-аас үзүүлэх улсын төсвөөс хариуцах болон эрүүл мэндийн даатгалын сангаас санхүүжүүлэх тусламж, үйлчилгээний багцад ороогүй тусламж, үйлчилгээг үйлчлүүлэгчдийн хүсэлтийн дагуу нэмэлтээр үзүүлэх, эрүүл мэндийн даатгалд хамрагдаагүй иргэнд төлбөртэй тусламж, үйлчилгээ болон нэмэлт үйлчилгээ үзүүлснээс бий болсон орлогыг зарцуулахтай холбоотой харилцааг зохицуулна.
- 1.2 Сэтгэцийн эрүүл мэндийн үндэсний төв нь үйлчлүүлэгчид үзүүлэх төлбөртэй тусламж, үйлчилгээний төлбөрийн хэмжээ, жагсаалтыг энэхүү тушаалын нэгдүгээр хавсралтаар баталсан төлбөрийн жишиг хэмжээ, жагсаалтад заасан хэмжээнээс хэтрүүлэхгүй, код, ангиллыг өөрчлөхгүйгээр өөрийн байгууллагын үйлчилгээний хүрээнд тохируулан батална.
- 1.3 Нэмэлт тусламж, үйлчилгээ гэдэгт Эмнэлгийн тусламж, үйлчилгээний тухай хуулийн 21.4, Эрүүл мэндийн тухай хуулийн 24.3-т заасныг тус тус ойлгоно.

Хоёр. Төлбөртэй тусламж, үйлчилгээ болон нэмэлт үйлчилгээнээс олсон орлогын бүртгэл, зарцуулалт

- 2.1 Сэтгэцийн эрүүл мэндийн үндэсний төв буюу төрөлжсөн мэргэшлийн эмнэлэг нь төлбөртэй тусламж, үйлчилгээ болон нэмэлт үйлчилгээний орлого, зарцуулалтыг бодитой төлөвлөж, жил бүрийн төсөвтөө тусгаж Эрүүл мэндийн тухай хууль болон Эмнэлгийн тусламж, үйлчилгээний тухай хуульд заасан Төлөөлөн удирдах зөвлөл, гүйцэтгэх захирлын эрх үүргийн хүрээнд захиран зарцуулна.
- 2.2 Сэтгэцийн эрүүл мэндийн үндэсний төв буюу төрөлжсөн мэргэшлийн эмнэлэг нь төлбөртэй тусламж, үйлчилгээ болон нэмэлт үйлчилгээний орлогыг тухайн үйлчилгээг үзүүлэхэд оролцсон эрүүл мэндийн ажилтны хөдөлмөрлөх нөхцөлийг сайжруулах, нийгмийн баталгааг хангах, тоног төхөөрөмж, эм, эмнэлгийн хэрэгсэл худалдан авах, засвар, үйлчилгээ хийхтэй холбоотой гарах зардалд зарцуулна.
- 2.3 Үйлчлүүлэгчийг байгууллагын кассаар эсвэл цахимаар төлбөр төлөх бүхий л төрлийн боломжоор хангаж төлбөрийг төрийн сан дахь төсвийн үндсэн үйл ажиллагааны дансанд төвлөрүүлнэ.
- 2.4 Төлбөртэй тусламж, үйлчилгээ болон нэмэлт үйлчилгээнээс олсон орлогыг байгууллагын цахим бүртгэлийн болон санхүүгийн программд бүртгэж, тайлагнаж ажиллана.
- 2.5 Сэтгэцийн эрүүл мэндийн үндэсний төв буюу төрөлжсөн мэргэшлийн эмнэлэг нь иргэнд төлбөр төлсөн баримтыг (и-баримт) заавал олгох бөгөөд уг баримтад байгууллагын нэр, үйлчлүүлэгчид үзүүлсэн төлбөртэй тусламж, үйлчилгээ болон нэмэлт үйлчилгээний нэр, төрөл, төлбөл зохих нийт болон үйлчилгээ нэг бүрийн

төлбөрийн хэмжээ, үүнээс эрүүл мэндийн даатгалын сангаас санхүүжүүлэх төлбөрийн хэмжээ, хувь хүний төлсөн төлбөрийн хэмжээ, огноог тэмдэглэсэн байна.

- 2.6 Энэ журамд заасан төлбөртэй тусламж, үйлчилгээ болон нэмэлт үйлчилгээ үзүүлж олсон орлогын зарцуулалтын жилийн эцсийн тайланг дараа жилийн төсвийн төсөлтэй хамт Эрүүл мэндийн яаманд хүргүүлнэ.
- 2.7 Төлөвлөгөөнөөс давж биелсэн үндсэн үйл ажиллагааны орлогыг Сангийн сайдын 2019 оны 03 дугаар сарын 27-ны өдрийн 74 дүгээр тушаалаар батлагдсан журмын дагуу шийдвэрлэнэ.

Гурав. Эмч, эмнэлгийн ажилтны хориглох зүйл

- 3.1 Эмч, эмнэлгийн ажилтанд дараах зүйлсийг хориглоно:
- 3.2 Энэхүү тушаалын нэгдүгээр хавсралтад заасан төлбөрийн жишиг хэмжээнээс хэтэрсэн төлбөр нэхэмжлэхгүй байх;
- 3.3 СЭМҮТ-ийн ажлын үндсэн цагт багтаан үзүүлэх боломжтой тусламж, үйлчилгээг ажлын бус цагаар эсвэл бусад хэлбэрээр тохиролцон төлбөртэй үзүүлэх;
- 3.4 Үйлчлүүлэгчээс эрүүл мэндийн байгууллагын данснаас өөр дансанд болон бэлнээр үйлчилгээний төлбөр шилжүүлэхийг шаардах;

Дөрөв. Хяналт

- 4.1 Төлбөртэй тусламж, үйлчилгээ болон нэмэлт үйлчилгээ нь байгууллагын үндсэн үйл ажиллагаанд сөргөөр нөлөөлөхгүй байх, байгууллагын үйл ажиллагааг доголдуулахгүй байх чиглэлээр төлбөрт үйлчилгээг нэгдсэн удирдлагаар хангаж ажиллах үүргийг байгууллагын дарга, захирал нар хүлээнэ.
- 4.2 Төлбөртэй тусламж, үйлчилгээ болон нэмэлт үйлчилгээний орлого, зарлагын гүйцэтгэл болон төлбөрт үйлчилгээний хэрэгжилтийн байдалд байгууллагын дотоод аудитын нэгж улирал бүр, эрүүл мэндийн асуудал эрхэлсэн төрийн захиргааны төв байгууллагын дотоод аудитын нэгж жилд нэг удаа хяналт-шинжилгээ, үнэлгээ хийж, дүгнэлт, зөвлөмж гаргана.
- 4.3 Төлбөртэй тусламж, үйлчилгээ болон нэмэлт үйлчилгээний талаарх иргэдийн өргөдөл, санал, хүсэлт, гомдлыг шийдвэрлэсэн байдал, төлбөрт үйлчилгээний орлогын зарцуулалтын талаарх мэдээллийн нээлттэй, ил тод байдлыг байгууллагын захирал хангаж ажиллана.

Тав. Хариуцлага

- 5.1 Энэхүү журмыг зөрчсөн албан тушаалтанд холбогдох хуульд заасан хариуцлага хүлээлгэнэ.
- 5.2 Иргэн эрүүл мэндийн байгууллагын нэмэлт үйлчилгээтэй холбоотой асуудлаар тухайн СЭМҮТ-ийн удирдлага, Эрүүл мэндийн яам болон бусад холбогдох байгууллагад гомдол гаргах эрхтэй.
- 5.3 Энэхүү тушаалыг зөрчиж, төлбөр авсныг эрх бүхий этгээд нотолсон тохиолдолд СЭМҮТ иргэний төлбөрийг буцаан олгож, хохирлыг барагдуулна.
- 5.4 Энэ журмын 5.3-т зааснаар иргэний төлбөрийг барагдуулсан бол Захиргааны ерөнхий хуулийн 103 дугаар зүйлд зааснаар буруутай албан тушаалтнаар нөхөн төлүүлэх арга хэмжээ авна.

СЭМУТ-ийн Захирлын албан үүргийг түр орлон
гүйцэтгэгчийн 2025 оны 06-р сарын 24-н өдрийн
2024 дугаар тушаалын дөрөвдүгээр хавсралт

ИРГЭНД ҮЗҮҮЛЭХ НЭМЭЛТ ҮЙЛЧИЛГЭЭНИЙ ТӨЛБӨРИЙН ХЭМЖЭЭ

№	Тусламж, үйлчилгээний төрөл	Тусламж, үйлчилгээний ерөнхий жагсаалт	Тусламж, үйлчилгээний нэр, төрөл	Төлбөртэй ажиллах клиник, тасаг	Код	Төлбөртэй ажиллах орны тоо	Төлбөрийн жишиг хэмжээ
1	Нэмэлт үйлчилгээ	Нэмэлт үйлчилгээ	Эмнэлгийн төлбөртэй үйлчилгээний өрөө (люкс)	Яаралтай тусламжийн тасаг	31401004	2	50,000₮
2	Нэмэлт үйлчилгээ	Нэмэлт үйлчилгээ	Эмнэлгийн төлбөртэй үйлчилгээний өрөө	Стрессийн шалтгаант сэтгэцийн эмгэг судлалын клиник (хагас люкс)	31401005	14	30,000₮
				Донтох эмгэг судлалын клиник (хагас люкс)		14	30,000₮
				Яаралтай тусламжийн тасаг		4	30,000₮
				Стрессийн шалтгаант сэтгэцийн эмгэг судлалын клиник		34	20,000₮
				Донтох эмгэг судлалын клиник		18	20,000₮
3	Нэмэлт үйлчилгээ	Өвчтөн тээвэрлэх	Захиалгаар өвчтөн тээвэрлэх 1 км-т, яаралтай болон түргэн тусламжаас бусад тохиолдолд		31406001	-	2000₮